

# LAFAEK NAKFILAK

Loro-matan foin nakfera, nia roman baku ba mundu, halo nabilan mundu hotu. Iha tempu ne'e, Lafaek oan ida moris. Nia inan fó naran Tamukun.

Matan nakloke, Tamukun haree ba sorisorin furak tebes. Bainhira matan moos tiha, Tamukun husu ba nia Inan, "Saida mak furak ne'e?"

"Ne'e mundu, fatin ba ema, ai-horis no animál hotu atu moris," Inan esplika ba nia. "Ha'u gosta mundu," Tamukun hatán. "Ida naroman loos, iha leten ne'e saida?" Tamukun husu fali. "Ne'e naran loron, nia mosu sei halakon nakukun. No bainhira nia lakon, sei hamosu nakukun"

"Hmm..., Ha'u gosta tebes" Tamukun hatán ho doko ulun.

Tamukun husu buat oiain. To'o ikus, nia Inan lori Tamukun ba pasiar. Tamukun kontente. Bainhira nia haree bee boot, Nia husu, "Aha..., buat ne'e, kona ha'unia ain malirin. Ida-ne'e, naran saida?" Tamukun husu

"Nia naran tasi. Ambiente ne'e hanesan ho rai-maran, iha ai-horis, animál no foho" nia Inan dehan. "Foho ho ai-horis ne'e saida?" Tamukun husu

"Foho katak, rai ne'e la tetuk. Rai ne'e nia ulun aas sa'e ba leten. Ai-horis katak, ai moris barak no fatin animál fuik sira subar no moris bá," Inan hatán. "Ita ne'e animál ka?" Tamukun husu. "Loos. Buat ne'ebé

moris ho iis no book an, dehan animál. Ema mós animál, maibé nia espedial liu, iha Maromak nia oin, tan iha kakutak no neon roman." Inan esplika tan. Tamukun husu buat barak, saida mak mota, tempu udan no bailoro, anin, no buat ne'ebé moris hale'u ita. Nia inan esplika did'ak ba nia. Tamukun doko ulun komprende. Haree Tamukun hatene hotu, nia Inan husik, hahú moris mesak.

Loron ida, Tamukun bá pasiar. Tanba kontente demais, nia haluha tiha dalan ne'ebé nia liu. Dalan ne'e, rai-molik no rai-henek de'it. La iha mahon no rohan. Tamukun komesa triste. Tanba loron-manas habai nia. Kabun mós hamlaha no hamrook, halo nia forsa la iha atu la'o. To'o ikus nia la'o labele, hein mate de'it.

Derrepente, labarik mane-oan ida liu. Nia haree Tamukun atu mate ona. Nia foti Lafaek Tamukun, tula ba nia kabaas, la'o ba buka bee.

Hetan bee, labarik ne'e hatama tiha Tamukun. Tamukun moris fali. Komesa iha ne'e, sira halo belun ba malu.

Labarik sempre mai vizita Tamukun iha bee-debun, sa'e ba Tamukun nia kotuk, sira bá pasiar hale'u tasi. Labarik haksolok bele haree buat hotu.

Loron aumenta sai fulan. Fulan aumenta sai tinan, halo Tamukun boot ba beibeik. Nia sente bee-debun ne'e kloot ba nia. Buka ai-han mós susar ona. Loron tolu ona la han.

Iha loron ida, bainhira labarik bá vizita, Tamukun hanoin atu han de'it labarik ne'e.

"Hai, belun kedo. Ha'u loron tolu ona la hetan ai-han. Ha'u hakarak han labarik ne'e, bele ka lae?" Tamukun husu.


"Labele, tanba nia mak ajuda ó. Ó labele han nia" kedo fó ideia. "Óinsá ho ó belun xipu?" Tamukun husu ba xipu. "Aih, ha'u-nia hanoin hanesan ho kedo. Ita labele selu ema nia favór ho hahalok aat. Selae, ema la fiar, animál hotu hanesan ita ne'e" xipu dehan.

Rona tiha kedo ho xipu sira-nia liafuan, nia bá buka belun seluk. Nia hasoru borboleta/kukulai, tekilili, ikan no sira ne'ebé moris hamutuk ho nia. Sira hotu nia resposta hanesan de'it. Sira la hatán atu Tamukun

han labarik ne'e.

To'o ikus, nia mós arrepende. La han labarik ne'e. Tanba hatene buat hotu kona-ba mundu, Tamukun toba hodi mehi. No nia an nakfilak sai illa Timór.

Nune'e, TAMUKUN habar an iha kolan sorin, hodi sente loro nia manas baku ba nia kotuk laran. Nia toba, hodi mehi kona-ba sasán sira-ne'ebe nia hetan.



hai alin sira ne'ebé namkari iha rai Timor-Leste tomak. Imi hadomi rai Timor-Leste ka lae? Ita-nia rain ne'e riku tebes ho ambiente no kultura. Atu hatene opiniaun kona-ba ida-ne'e, Maun Lafaek bá iha distritu Suai, Ainaru, Lospalos no Same, husu kolega sira-nia opiniaun kona-ba kultura hatais Tais no bua-malus. Imi lee to'ok bá!



**Sadam Manduli Ibrahim Rekman**  
EP 12, Klase 5 Lospalos

Ha'u haree ha'u-nia tian sira kuandu kaben, familia husi mane nian fó karau, kuda, manu, bibi ba ha'u-nia apá, tiun no avó sira. Ha'u mós hakarak aban-bainrua ha'u-nia feton sira kaben iha folin. Tanba tuir kultura ne'ebé iha, aban-bainrua ha'u boot no kaben presiza mós fó folin ba feto nia familia. Atu fahe rikusoin ba ami oan sira bainhira mamá ho Papá mate, ne'e depende ha'u-nia papá. Tanba nia maka iha responsabilidade boot ba ami oan sira.

**Zelia Amaral, Tinan 11, Klase -5, EP. We-ulun, Helaiha Kaikasa ruin.**



Ha'u hanoin Barlake ho Tais, hanesan buat ida ne'ebé folin ba ita Timoroan. Ha'u-nia familia hatene halo Tais ho dezeńu no kór oiain. Ha'u gosta tebes hatais tais no tara morteen. Kona-ba Barlake? Ami, la iha barlake. Maibé, ha'u rona ema dehan Barlake iha, bainhira mane ida hola feto ida. Ne'e mós ita-nia kultura.

**Elvira de Jesus Amaral, Tinan 3, Klase 4 Ep. Ogués Subdistritu Maukatar-Suai**



Ha'u hanoin mama bua-malus ne'e di'ak tanba ita-nia avó sira mós mama. Ne'e ita-nia kultura, tan ne'e labele halakon mama bua-malus ne'e.

# Opiniaun

# Timor No

**Deolindo Amaral, naran bolu Tinan 10, Klase-4. EP. Kaikasa.**

Ha'u hanoin barlake ne'e, buat ida hafolin malu. Ha'u haree, bainhira mané ida hola feto ida, sempre fó kuda, karau, tais no buat seluk. Ne'e kostume, husi ita-nia Avó sira, to'o mai ita. Ha'u hakarak kultura ida-ne'e, kontinua nafatin ba oin.

**Maria Merlina Teixeira Tinan 9, Klase 3, Ep. Wematan-Suai**



"Ha'u sente mama ne'e ladi'ak tanba ha'u-nia mamá ho papá mós la mama. Sira dehan ne'e ladi'ak ba ma-nia saúde tanba bele halo aat nehan"

**Joaninho da Costa Barros Tinan 9 Klase 3, Ep. Wematan-Suai**

Ha'u-nia hanoin fó folin maka as ne'e ladi'ak tanba ne'e halo susar de'it ami mane atu hola feto. Ha'u sente folin tun mak di'ak. Ne'e mós ita-nia kultura ida

**Belina Pereira, Tinan 10 Klase 3, Epc. Santo António, Balibo**



"Ha'u sente mama ne'e ladi'ak ba ita-nia saúde, bele halo aat nehan no halo nehan sai metan hotu"



# Mau Sesta Hasoru Fahi



Sintina iha ne'ebé?

Sintina iha fahi luhan ne'ebá

Aihh, sintina nune'e fahi la tata ka?



Aihh, ha'u tauk fahi?



Lae, ó tuur iha ai-kabelak lefen. depois mak soe tur deit



Sentina di'ak? La hetan boy!



Hafoin tuur tun, Mau Sesta hakfodak

Huisy! Ses ... ses! Dook tiha ba ne'ebá



João! Oinsá hamoos Kidun!

Ó Kose de'it ona ho batar dadus



1 foti batar dadus, atu dun. fahi boot haksoit, a liman



Ó-nia liman bubu ka?"

Lae ida. Ha'u sente ladun di'ak. Se la muda sintina ne'e, lora ikus imi sei hetan moras.